

1-iyun - Xalqaro bolalarni himoya qilish kuni

Tong yulduzi

Vatan yagonadir,
Vatan bittadir!

N:22 (67031)
2015-yil
1-iyun

www.tongyulduzi.uz

Gazeta 1929-yil 1-avgustdan chiqib boshlagan O'zbekiston Respublikasi bolalar va o'smirlar gazetasi ISSN - 2010-6092

BAXTLI YURTNING BAXTIYOR BOLASI

Yorug' kelajagimiz, g'urur va iftixorimiz, aziz BOLAJON!

Sen O'zbekiston deya atalmish osmoni tinch, zamini zar diyorning baxtli, baxtiyor fuqarosisan! Baxting shundaki, dunyoning eng go'zal, tinch, osuda mamlakatlaridan birida tug'ilding, buguning, kelajaging haqida qayg'uradigan bolajon xalqimiz, hukumatimiz ardog'ida sog'lom, bilimli, barkamol bo'lib voyaga yetypsans. Beg'uborlikka timsol bolajon, sening har bir kuning shodlik, baxtiyorlik! Mitti yuragingdagi oppoq orzularing varraklar qanotida ko'kka bo'ylaydi, jajjigina musaffo qalbing dunyolarga tirkak bo'ladi. Munchoqdek ko'zlaringda nurli kelajakning aksi jilvalanadi...

*Baxtli yurtning baxtli bolasi,
Baxtdan masrur yursa yarashar.
Ko'zlariga boqing ularning,
Ko'zlarida kelajak yashar!*



Shahzodaxon

Diyoraxon

Munisaxon

Akbarjon

Feruzaxon

Anvarjon

BIZ – BITIRUVCHILARMIZ

Bugun maktabni bitirish ostonasida turgan aziz tengdoshim!

Mana, to'qqiz yil mobaynida sho'xliklarimizga guvoh bo'lgan qadri maskanimiz – maktabimizdan uchirma bo'lish arafasida turibmiz. Ularning qatorida men ham borligimdan quvonaman, albatta. Bitiruvchi sinf bo'lganimiz bois, ustozlarimiz kasb tanlashimizga alohida e'tibor berishdi. Bunga doir test savollari, og'zaki savol-javoblar bo'lib o'tdi. Men kelgusida jurnalist bo'lishni orzu qilaman. Har bir kasbning o'ziga yarasha mas'uliyati borligini yaxshi bilaman, ammo jurnalist har bir sohani yaxshi biladigan, tushunadigan shaxs bo'lishi kerak. U shifokor bilan shifokordek, agronom bilan agronomdek, o'qituvchi bilan o'qituvchidek, bola bilan esa bola bo'lib suhbatlashishi lozim.

Bugun hamma bizga ulkan ishonch bilan qaramoqda. Bu ishonchning zamirida ona yurtga bo'lgan sadoqat, xalqimizga bo'lgan hurmat-ehtiroim yotadi. Men kelgusida yurtimiz qadriyatlarini, urf-odatlarini dunyoga taratadigan inson bo'lib yetishishni orzu qilaman. Men singari maktabni bitirish arafasida turgan do'stlarimga esa, omad va yana omad, degim keladi.

Maftuna SIROJIDDINOVA,

poytaxtimizning Mirzo Ulug'bek tumanidagi profilli mehnat ta'limiga ixtisoslashtirilgan davlat umumta'lim maktabining 9-«B» sinf o'quvchisi

«KAMALAK» YULDUZI

Maknuna. Bu ismni eshitganingizda ko'z oldingizga ushbu taxallus ostida ijod qilgan shoir Nodirabegim kelishi, tabiiy. Bizning Maknuna bugunning ijodkor yoshlaridan biri.



Poytaxtimizning Yashnobod tumanidagi 206-umumta'lim maktabining 5-«A» sinfini tamomlagan Maknuna Ozodaliyeva maktabning a'lochilaridan sanaladi. Badiiy kitoblar mutolaasi uning sevimli mashg'uloti. Hatto dugonalari Mahfuza va Sevinch bilan yozgi ta'tilda ko'p kitob o'qish bo'yicha musobaqalashishga kelishib olishdi.

Maknuna ishtirokidagi tadbirlar har safar uning g'alabasi bilan yakunlanadi. Dastlab, «Ibratli qiz» bellashuvida sinfdoshlari orasida «Eng pazanda qiz» nominatsiyasi bilan taqdirlandi. «Vatan, do'stlik va xalqparvarlik uchun» shiori ostida tashkillashtirilgan tuman «Kamalak» bolalar tashkilotining XIV anjumanida «Matbuot – 2015» yo'nalishida g'olib bo'ldi. Maknuna otasi va ukasi Bobur bilan birgalikda yashagan «Kamalak»ning ramziy belgisi hay'at a'zolari tomonidan yuqori baholandi. Yer shari, undagi O'zbekiston xaritasi, kurrai zaminni o'rab turgan

kamalakning rangin jilosi... osoyishta mamlakatning baxtli bolalari... Barchasi plastik materialdan ishlangan mo'jaz asar kishini hayratga soladi.

Hozirda ingliz tiliga chuqurlashtirilgan sinf o'quvchisi matematika fanidan imtihonni a'loga topshirdi. Ustozlari Dilorom opa Yusupova va Nargiza Mamatovalariga bergan va'dasini oqlashi kerak. Oldida turgan ingliz va rus tilidan imtihonlarni ham a'loga topshirishga harakat qilyapti. Ustozlar ishonchi unga kuch bag'ishlashini esa hamisha his qilib turadi.

O'z muxbirlarimiz

«BOLALAR HAYOTINI ASRAYLIK»

SHIORI OSTIDA «YASHIL CHIROQ – 2015» MUSOBAQALARI BO'LIB O'TMOQDA

Birlashgan Millatlar Tashkiloti Bosh Assambleyasi tomonidan 2010-yilda rasman e'lon qilingan «Yo'l xavfsizligi uchun harakatlar o'n yilligi» tashabbusini dunyoning 60 dan ortiq mamlakatlari qo'llab-quvvatladi. Chunki ushbu tashabbus millionlab odamlarning hayotini saqlab qolish maqsadida uzoq muddatli harakatlar uchun keng imkoniyatlar yaratdi. O'zbekiston Respublikasi ham ushbu xayrli tadbirni qo'llab-quvvatlab, uning 2011- va 2013-yillarda o'tkazilgan 1- va 2-haftaliklarida faol ishtirok etdi.

Bu yil BMT tomonidan bolalar uchun yo'l harakati xavfsizligini ta'minlashning 3-haftaligi e'lon qilindi. Ushbu haftalik dunyoning turli mamlakatlarida «Bolalar hayotini asraylik!» shiori ostida o'tkazildi. O'zbekiston Respublikasi ham bu muhim tashabbusni qo'llab-quvvatlagan holda bolalar uchun «Yo'l harakati xavfsizligi oyligi» e'lon qildi. 2015-yilning 14-may kunidan boshlab respublikamiz hududida «Bolalar hayotini asraylik!» shiori ostida tadbirlar boshlandi.

«Yashil chiroq» musobaqalarini Toshkent shahar yosh avtonazoratchilari boshlab berdilar.

Unda poytaxtimizning 11 tumanidan kelgan yosh avtoinspektorlar yo'l harakati qoidalarini yuzasidan bellashdilar.

Nazoratchilar velosipedni qoidalari boshqarish, safda yurib o'z shiorlarini namoyish qilish, radio to'liqlari bilan boshqariladigan transport vositalarining qoidalari harakati, yo'llarda baxtsiz hodisa sodir bo'lganda birinchi tibbiy yordam ko'rsatish, yo'l harakati qoidalarini o'zlashtirish bo'yicha test sinovlaridan o'tish, tartibga solingan chorraha maketini tayyorlash kabi sinovlardan o'tdilar. Ushbu musobaqada eng yuqori ball to'plagan poytaxtning Yunusobod tumani vakillari oliy o'ringa sazovor bo'lib, bu yil iyun oyida yosh avtoinspektorlarning Samarqand shahridagi Respublika birinchiligi uchun o'tkaziladigan musobaqalarda qatnashish huquqini qo'lga kiritdilar.

Uchtepa, Olmazor, Mirzo Ulug'bek tuman o'quvchilari birinchi o'ringa, Chilonzor, Sergeli, Shayxontohur, Yakkasaroy tumanidan kelgan yoshlar ikkinchi o'ringa,

Mirobod, Bektemir, Yashnobod tuman yosh avtonazoratchilari uchinchi o'ringa sazovor bo'lishdi.

Musobaqa g'oliblari bir qator tashkilotlarning faxriy yorliq, esdalik sovg'alari bilan taqdirlandilar.

Tohir MULLABOYEV,

O'zbekistonda xizmat ko'rsatgan jurnalist



Yaqinda tumanimizda maktab o'quvchilari o'rtasida

«SERQUYOSH HUR O'LKAM»

mavzusida ko'rik-tanlov o'tkazildi.

Unda ishtirokchilarning o'zleri istiqomat qilayotgan hududning tarixi, o'ziga xos tabiati haqidagi bilimlari sinovdan o'tkazildi. Barcha shartlardan muvaffaqiyatli o'tib, eng ko'p ma'lumot to'plagan o'quvchilar g'oliblikni qo'lga kiritishdi.

Ular orasida maktabimiz o'quvchilari ham borligi bizni behad quvontirdi. Rushana G'aniyeva, Rushana Olmosova, Sarvina Davlatova, Farangiz Omonova kabi maktabdoshlarimiz endi ko'rik-tanlovning viloyat bosqichida tumanimiz sharafini himoya qiladilar.

Mohiniso BOBOQULOVA,

Samarqand viloyati, Pastdarg'om tumanidagi 18-umumta'lim maktabining 8-«A» sinf o'quvchisi

«KAMALAK» SARDORLARI TAQDIRLANDI

Bugun «Kamolot» YOIH hamda uning homiyligidagi «Kamalak» bolalar tashkiloti haqida bilmaydigan o'quvchi oramizda topilmasa kerak.

Ayniqsa, «Kamalak» bolalar tashkiloti tomonidan amalga oshirilayotgan ishlar biz yoshlarni kelgusida yetuk va komil inson bo'lib voyaga yetishimizga, orzularimiz sari ildam qadam qo'yishimizga zamin yaratmoqda.


«Kamalak» bolalar tashkilotining XIV anjumanida Toshkent shahar, Shayxontohur tumanida o'tgan o'quv yili davomida amalga oshirilgan ishlar uchun boshlang'ich tashkilot sardorlari, yetakchilari hamda tuman sardorlari tashkilotning tashakkurnoma va esdalik sovg'alari bilan taqdirlandilar. Anjuman doirasida maktab o'quvchilarining ijodiy ishlari, rasmlari, zardo'zlik buyumlaridan ko'rgazma tashkil etildi.

Muxsina MIRZAYEVA,

poytaxtimizning Shayxontohur tumanidagi 84-umumta'lim maktabining 6-«B» sinf o'quvchisi

YANA TA'TIL BOSHLANDI!!!

Bolajonlar, mana, o'quv yili ham yakunlanib, ta'til kunlari boshlandi. Papka-yu darsliklarni bir chekkaga qo'yib, mazza qilib dam olishni o'ylayotganingiz aniq.



O'quv yili mobaynida aqlingizni charxlab, ustozlaringiz-u ota-onangizni ranjitmaslik niyatida ter to'kkaningizga ishonamiz. Ayrim tengdoshlaringiz ta'til kunlarida nima qilishlarini hozirdanoq rejalashtirib qo'yishgan. Keling, ular bilan yaqindan tanishaylik:

Shahzodxon MUHAMMEDOV, Shayxontohur tumanidagi 20-umumta'lim maktabi o'quvchisi: – Sportning suzish turiga juda qiziqaman. Shu bois, Olmazor tumanidagi «Maxsus bolalar va o'smirlar olimpiya zaxiralari» sport maktabiga a'zo bo'ldim. Ustozim Nadejda Viktorovnaning murabbiyligida 6 yil davomida turli musobaqalar, bellashuvlarda qatnashdim. Jumladan, joriy yilda «Umid nihollari» sport musobaqalarining tuman, shahar bosqichlarida faxrli o'rinnlarni qo'lga kiritdim. Kelgusida bundan-da yuksak marralarni zabt etish niyatidaman. Avgust oyida suzish bo'yicha o'tkaziladigan xalqaro musobaqada qatnashish orzum bor.

Nigora AHMADOVA, Dilnoza QODIROVA, Tursunoy ABDURAHMONOVA, Navoiy shahridagi 16-IDUMning 4-«G» sinf o'quvchilari: – Biz uch dugona bo'sh vaqtlarimizda rasmlar chizamiz. Ularning ayrimlarini sevimli tahririyatimizga jo'natyapmiz. Ta'til kunlarida badiiy kitoblar o'qib, o'qiganlarimiz asosida rasmlar chizishga ahd qildik.



Nigora



Tursunoy



Dilnoza



Ta'til chindan ham ajoyib. Asosiysi, bo'sh vaqtingizni behuda o'tkazmang, hunar o'rganing, turli badiiy kitoblar mutolaa qiling. O'rganganlaringizni, o'qiganlaringizni biz bilan o'rtoqlashing.

Ozoda TURSUNBOYEVA tayyorladi

Ingliz tilini o'rganamiz!

Lesson 38

ADJECTIVE OR ADVERB?

(Sifatmi yoki ravish?)

Choose the correct item:


1. He (correct, correctly) defined the terms. The answer sounded (correctly, correct).
2. She (quickly, quick) adjusted the fees. She adapted (quick, quickly) to any situation.
3. He measured the floor (exact, exactly). They proved to be (perfectly, perfect) (exact, exactly) measurements.
4. Her voice sounds (beautifully, beautiful). She sang the song (exact, exactly) as it was written. We heard it (perfectly, perfect).
5. He was a very (sensibly, sensible) person. He acted very (sensible, sensibly).
6. Mike wrote too (slow, slowly) on the exam. He always writes (slow, slowly).
7. Talk (softly, soft) or don't talk at all. The music played (softly, soft).
8. The mechanic's tools were (well, good). The foreman said that his work was (good, well) done.
9. He did not pass the course as (easy, easily) as he thought he would.
10. I find this novel very (interesting, interestingly). It was (interesting, interestingly) written.

FIND YOURSELF

(O'zing top)

Separate the words to their groups:


- Strawberry – fruit
Newspaper –
Carrot –
Green tea –
Book –
Cabbage –
Cherry –
Milk –
Chair –
Frame –
Beet –



HOW DO YOU SPEND YOUR SUNDAY?

(Yakshanbani qanday o'tkazasiz?)

On Sundays, Davron gets up at 9 o'clock. Then he reads his newspaper in the kitchen. He has breakfast at 9.30 and then he telephones his mother in Fergana. In the afternoon, at 13.00, Davron plays tennis with his sister and after that, they eat dinner in a restaurant. At 16.00, Davron swims for one hour and then he goes by bike to his brother's house. They talk and listen to music. Davron watches television in the evening and he goes to bed at 22.00



True or False?

1. Davron gets up at 9am on Sundays. True False
2. Davron reads the newspaper in the lounge. True False
3. His father lives in Fergana. True False
4. Davron plays tennis with his sister. True False
5. Davron and his sister eat before playing tennis. True False
6. Davron goes swimming at five o'clock. True False
7. Davron drives to his brother's house. True False
8. Davron and his brother listen to music. True False
9. Davron goes to bed at 22.00 True False

Dinora SHAKIROVA tayyorladi

«ADABIYOTGA E'TIBOR - MA'NAVIYATGA, KELAJAKKA E'TIBOR» SHIORI OSTIDAGI

KITOBXONLAR BAYRAMI

Respublikamiz aholisining, ayniqsa, yosh avlodning ma'naviy va intellektual ehtiyojlarini qondirishda kitobning o'rni va ahamiyatini yanada kengaytirish va jali ona Vatanga yuksak muhabbat va sadoqat ruhida tarbiyalashga hissa qo'shish, kitobxonlik madaniyatini yuksaltirish, yozuvchi va o'quvchi o'rtasidagi muloqotni kuchaytirish maqsadida O'zbekiston Respublikasi Vazirlar Mahkamasi, O'zbekiston matbuot va axborot agentligi tomonidan bir qator vazirlik va idoralar bilan hamkorlikda joriy yilning 28-30-may kunlari Qoraqalpog'iston Respublikasi va barcha viloyatlar markazlarida hamda Toshkent shahridagi G'afur G'ulom nomidagi madaniyat va istirohat bog'ida «Adabiyotga e'tibor - ma'naviyatga, kelajakka e'tibor» shiori ostida Respublika «Kitob bayrami» bo'lib o'tdi. Sayl tarzida tashkil etilgan bayram tadbirlarida adabiy-badiiy, ijtimoiy-siyosiy hamda ensiklopedik yo'nalishdagi kitoblarning taqdimotlari, «Keksalarni e'zozlash yili» Davlat-dasturida belgilangan vazifalar targ'ibotiga bag'ishlangan nashrlar namoyishi, «Namunaviy kitob do'koni» va «Yilning eng yaxshi kitobi» respublika ko'rik-tanlovi g'oliblarini tantanali taqdirlash marosimi hamda taniqli adib va shoirlar bilan uchrashuvlar, sovrinli vektorinalar, san'at ustalarining konsertlari o'tkazildi. «Kitob bayrami» doirasida, shuningdek, «Kitob - millatning bebaho madaniy va ma'naviy merosi» mavzusidagi uchinchi ilmiy-amaliy konferensiya ham bo'lib o'tdi. Uch kun davom etgan ma'naviy-ma'rifiy tadbirda yurtimizning yetti yoshdan yetmish yoshgacha bo'lgan barcha kitobsevarlari ishtirok etib, olam-olam taassurotlar olishdi.



Shoir suhbatida bo'lish naqadar quvonchli.



Feruz: - Mening kitobim!



Angrenlik yosh ijodkorlar.



Fotima va Zuhra: - Birgalikda o'qiyamiz, - deydi.



Kitobni qadrlamoq kerak, bu tafakkur qasriga izzat-ehtirom bilan qadam qo'ymoq lozim. GERSEN




Kamola: - Sevimli gazetamning yangi soni yanada qiziqarli ekan.



Voy-bo', qaysi birini olsam ekan?!



Kumushning kitoblari ko'paydi.



Dilshod Rajabning quvnoq she'rlari bizga juda yoqdi.



Bayramga ustoz bilan keldik.



Bayramda yangi kitob va do'stlar orttirdik.



Mutolaa zavqi.

SOG'INAMIZ SENI, MAKTAB!

Poytaxtimizning Chilonzor tumanidagi 138-umumta'lim maktabida «Xayr maktab, salom kollej!» tadbiri bo'lib o'tdi.

Tadbirda Chilonzor tumani hokimi o'rinbosari, «Xotin qizlar qo'mitasi» raisi M. Saidikromova, tuman XTMFMT va Te bo'limi ma'naviy-axloqiy tarbiyalash sho'ba rahbari J. Abdiyeva, «Katta Qozirobod» MFY raisi Abduhakim Tojiboyev hamda faxriy o'qituvchilar qatnashdi. Maktab bitiruvchilari o'quvchilik yillaridagi qiziqarli damlarni bir-bir eslashdi. Jonajon maskan bilan xayrlashar ekan, kelgusida qaysi soha egasi bo'lishmasin, o'zlari uchun qadri dargohni, aziz ustozlarni tez-tez yo'qlab turishga kelishib olishdi. Tadbir davomida o'quv yili davomida fan olimpiadalari, ko'rik-tanlovlarning faol ishtirokchilari



«Eng faol o'quvchi», «Orasta qiz», «Zulfiyaxonim izdoshi», «Ingliz tili bilimdoni», «Maktabimiz faxri», «Maktabimiz nominatsiyalari bo'yicha taqdirlandi», Milliy va vatanparvarlik ruhidagi she'r, kuy-qo'shiq va raqs tadbiriga fayz bag'ishladi. Ha, aytmoqchi, «Kitob bayramida mazkur maktab bitiruvchisi Nuriddin Faxriddinov «O'zbekiston NMIU tomonidan «Omadli kitobxon» lotoreya o'yinida qatnashib, 100 ming so'mlik chekni yutib oldi. Endi u nashriyotdan ko'rsatilgan qiymatda kitoblar xarid qilish imkoniyatiga ega.

Kitob - boylik. Lekin sotib olingani emas, o'qilgani. A. MUXTOR

Qo'shsahifani o'z muxbirlarimiz tayyorlashdi

SEVSANG, CHIN SEV VATANNI!

Kechalar yorug' bo'lar,
Dilga iliq his to'lar.
Sevsang, chin sev Vatanni,
Qadamingdan gul unar.

Buyuk lpak yo'lida,
Belda belbog'i mahkam.
Istiqboli porloqdir,
Bo'lmaydi hech kimdan kam.

Jannatmakon yurtimning,
To'rtko'ldak ma'vosi bor.
Avlodlari barkamol,
Unga baxt-u iqbol yor.

Muhina IBRAGIMOVA,
Qoraqalpog'iston Respublikasi,
To'rtko'l tumanidagi 8-umumta'lim
maktabining 7-«A» sinf o'quvchisi

YURT QIZIMAN

Porla, Quyosh, yurtimga ko'z tegmasin,
Ozod Vatanimning yorqin iziman.
Sirdaryo, Amuday jo'shar yuragim,
Kelajagi buyuk yurtning qiziman!

Sabr – tosh, shukurlar bor-u yo'g'ingga,
Bobolar hokida unar orzuman.
Ming jon bo'lsa kamdir sadqa poyingga,
Kelajagi buyuk yurtning qiziman!

Dilda ertalikning orzu-o'yolari,
Ko'ngilga huzurdir elim kuylari.
Samoda porlagan kichik yulduzman,
Kelajagi buyuk yurtning qiziman!

O'g'iloy IBRAGIMOVA,
To'rtko'l industrial pedagogika
kasb-hunar kolleji o'quvchisi


QISHLOG'IM

Mening qishlog'im go'zal,
«Oltin vodi» atalar.
Bug'doy-u paxtasi mo'l,
Qovunlari biram zo'r.

Tekis, ravon yo'llari,
Turmaqator uylari.
Dalalarda tinmaydi,
Fermier-u dehqonlari.

Siz ham yozda kelsangiz,
Qishlog'imni ko'rsangiz,
Rosa mehmon qilamiz,
Anhorda cho'milamiz.

Dilmurod YO'LDOSHEV,
Jizzax viloyati, Do'stlik tumanidagi 17-boshlang'ich ta'lim
maktabining 4-«V» sinf o'quvchisi



Yuragimda yonar baxt,
Gullar taqib keldi yoz.
Liboslari to'yga taxt,
Oymoma ham kuldi soz.

Bulbullar kuylar alqab,
Bolarilar jo'mavoz.
Oftob kular charaqlab,
Shunday go'zal bizning yoz.

Suvlar tiniq, kumushdir,
Baxt bu obod turmushdir.
Shunday Vatan bor bo'lsin,
Baxtlar doim yor bo'lsin!

Gullar taqib kelsin yoz,
Chigirtkalar chalsin soz!

Vazira MARDIYEVA,
Xalq ta'limi vazirligi tasarrufidagi filologiya fanlariga
ixtisoslashtirilgan davlat umumta'lim maktabining
6-«E» sinf o'quvchisi

BOSHIGA KO'TARAR

Vatanimizning
O'g'il-qizlari.
Istaydi yorug'
Bo'lsin yuzlari.

Farzandlik burchin
Bajarib halol.
Qalb amrinado
Etar bemalol.

Tabiatga chin
Mehribon bo'lib.
Qushlarni asrar
Qaddron bo'lib.

Har qarich yerni
Qilsa kim chaman.
Uni boshiga
Ko'tarar Vatan.


QARIYALAR DUOSI

Avtobusga chol-u kampir,
Munkillashib chiqar bazo'r.
O'rinni tez bo'shataman,
Keling, deb joy ko'rsataman.

Yosh boladay yetaklashib,
Go'yo atak-chechaklashib.
Bir-bir do'q-do'q bosib hassa,
O'tirishar sekin-asta.

Ko'ngillar birrov xushlab,
Qo'llaridan tezda ushlab.
Manziliga yetgan hamon,
Kuzataman eshik tomon.

Qariyalar qushday yengil,
Duolari shingil-shingil.
Ezgu ishdan dilim toza,
Hammadan ham menga mazza!



VAFODOR DO'ST

Umid juda aqlli bola. Maktabda a'lo baholarga o'qiya. Lekin negadir itlarni ko'pam xushlamaydi. Ammo bir voqeadan so'ng uning itlarga bo'lgan munosabati o'zgardi.

Ona tili darsida «Insonning vafodor do'sti» mavzusida insho yozdik. Umid inshoni juda qisqa bayon etdi va «3» baho oldi. Maktabdan xafa bo'lgan holda uyiga yo'l oldi. U xayol bilan borayotgandi, to'satdan simyog'och yaqinida turgan bahaybat itga ko'zi tushdi. U itning yonidan sekin o'tib ketmoqchi bo'ldi. Lekin it irillaganicha uning yo'lini to'sdi.

Umid nima qilishni bilmay, atrofga alangladi. Yerdan yotgan katta toshni olib, unga oldi. It g'azabnok irilladi, lekin joyidan qo'zg'almasdi. Bu it shiypon qorovuli – Baxtiyor otaniki edi. U otaning doimiy hamrohi. Umid bor ovozi bilan Baxtiyor otani chaqira boshladi. Ota shu orada ekan, halloslaganicha yetib keldi. Yig'lamsirab turgan Umidni ko'rdi-yu, gap nimada ekanligini bilgach, hayron bo'ldi.

– Voy, iti tushmagur-ey, hech bunaqa odati yo'q edi-yu, – dedi atrofga alanglab. Shunda otaning ko'zi simyog'ochdan uzilib, yerdan osilib yotgan elektr simiga tushdi. Umid ham, Baxtiyor ota ham itning nima sababdan bunday qilganini darhol tushunishdi.

Shu voqeadan keyin Umid itlarni yaxshi ko'rib qoldi va o'zi ham kuchuk bola asrab oldi.

Jamshid EGAMBERGANOV,
Toshkent viloyati, Chirchiq shahridagi
21-umumta'lim maktabining 6-«A» sinf o'quvchisi

BOQIVOV UYALDI

(Zamonaviy ertak)

Qadimda emas, shu o'zimizning zamonda

Boqivov degan bola bor ekan. Negadir u shu kunlarda sal hafsalasiz bo'lib qolibdi. Erta bilan zo'rg'a turib, chala-chulpa yuvinibdi-da, choyini ham apil-tapil ichib, maktab tomon yo'l olibdi. Darslarda ham beparvo o'tirgan uchun ustozidan dakkiam eshitibdi. Maktabdan qaytib, tushlik qilib bo'lgach, televizor ko'ribdi. Hecham dars tayyorlagisi kelmabdi. Chunki ustoz ko'rganidan jahli chiqqan edi. Kechki payt onasi: – Darslaringni bajardingmi? – deb so'raganda: – Ha, bajardim,

– deb yolg'on gapirdi. Keyin esa mazza qilib uxlati. Ertasi kuni uy vazifalarini bajarmay, maktabga ravona bo'ldi. Tayyorgarligi yo'qligi uchun hamma fandan «2» baho oldi. Maktabdan xomush qaytib kelsa, uyda otasi o'tirgan ekan.

– Ha, o'g'im, keldingmi, bugun necha baho olding? – deb so'radi otasi.

Boqivov bo'lsa nima deyishni bilmay: – «Besh», – dedi astagina.

Dadasi xursand bo'lib: – Qani, kundaligingni olib kel-chi, – dedi.

Boqivov qo'rqa-pisa kundaligini otasiga uzatdi. Unda naq to'rtta «2» baho turardi. Otasi indamay kundaligini o'g'liga uzatdi. So'ngra: – Senga dangasalik, yolg'onchilik yopishib olibdi, undan qutulish o'zingga bog'liq, – dedi qat'iylilik bilan.

Boqivov uyatdan qizarib ketdi. Keyin esa xonasiga kirib darslarini bajarishga kirishibdi. «Ey, ertaga qilarsan, hozir mazza qilib dam ol, ko'ptok tep», degan ovozlarga parvo qilmabdi. Chunki uni yalqovlik chalg'itayotganini bilib olgandi. Yolg'onchilikni esa zinhor yoniga yo'latmaydigan bo'lib, tez orada esa yana faol o'quvchiga aylandi.

Sevarbek ELBOYEV,
poytaxtimizning Yakkasaroy tumanidagi
118-umumta'lim maktabining 4-«A» sinf o'quvchisi



«UMID NIHOLLARI» – YOSHLIK VA SPORT BAYRAMI

Ko'p yillardan beri respublikamiz umumta'lim maktablari o'rtasida an'anaviy tarzda o'tkazib kelinayotgan «Umid nihollari» sport musobaqalari minglab sportchi-yoshlarni kashf etayotgani shubhasiz. Bu yilgi musobaqaning final bosqichi katta bayram tantanalariga aylanib ketdi.



TOSHKENT SHAHRI. Poytaxtimizning Yunusobod tumanida joylashgan «O'zbekiston» sport majmuasida «Umid nihollari – 2015» sport musobaqalarining Toshkent shahar final bosqichi bo'lib o'tdi. 56 mingdan ortiq o'quvchilar ishtirok etgan mazkur musobaqada 25 ming 548 nafar qizlar ishtiroki yurtimizda

qizlar sportiga berilayotgan yuksak e'tibordan dalolatdir.

Ishtirokchilar, asosan, Olimpiada dasturidan joy olgan sportning o'n yetti turi – basketbol, voleybol, badiiy va sport gimnastikasi, badminton, boks, dzyudo, taekvando, erkin va yunon-rum kurashi, yengil atletika, og'ir atletika, stol tennis, suzish, futbol, shaxmat, qo'l to'pi bo'yicha bellashildi. Orziqib kutilgan daqiqalar fursati yetdi. G'oliblarni taqdirlash marosimi hayajonlarga boy bo'ldi. Birinchi o'rinni egallagan Chilonzor tumani jamoasi Prezidentimiz sovg'asi – «Damas» avtomobili bilan taqdirlandi. Yunusobod tumani vakillari ikkinchi, uchtepalliklar uchinchi o'ringa munosib topildi.



BUXORO VILOYATI. Ushbu musobaqaning ilk bosqichlarida kuch sinashgan o'n mingdan ziyod qatnashchilarning 128 nafari finalga yetib keldi. Natijalar tahlil qilganda Buxoro shahri vakillari umumjamoa hisobida birinchi o'rinni egallashdi. Vobkentliklar ikkinchi, Shofirkon tumani yoshlari uchinchi o'rinni qo'lga kiritishdi. Buxoro shahrida sportning barcha turlari qatori erkin kurash, ayniqsa, badiiy gimnastika maktabining yetakchi o'rinda ekanligi shu kunga qadar o'quvchilar orasidan nafaqat mamlakat, balki Osiyo chempionlarining yetishib chiqqanligi mazkur musobaqada g'oliblikni qo'lga kiritishga asos bo'lgani tabiiy, albatta.

SURXONDARYO VILOYATI. «Umid nihollari» sport musobaqasining final bosqichi Surxondaryo viloyatida keng nishonlandi. Yakuniy hisobga ko'ra, Termiz shahri vakillari birinchi, Qumqo'rg'on tumani sportchi-yoshlari ikkinchi hamda Jarqo'rg'onliklar uchinchi o'ringa munosib topildi. G'olib jamoa orasida badiiy gimnastika bo'yicha yuqori natijani ko'rsatgan 2-umumta'lim maktabi o'quvchisi Farida Ismatovaning borligi quvonarlidir.

Darhaqiqat, «Umid nihollari – 2015» sport musobaqalarining final bosqichi jismonan barkamol, ma'nan yetuk yangi nihollarni kashf etdi. Yosh sportchilarning betakror namoyishi dillarda uzoq yillar muhrlanib qolishi, shubhasiz!

NURBEK tayyorladi



Yaqinda Toshkent shahrida badiiy gimnastika bo'yicha jahon kubogi bosqichi va «Happy Caravan – 2015» xalqaro turniri bo'lib o'tdi.

G'ALABA MUBORAK!

Dunyoning yigirmadan ziyod davlatidan yuzga yaqin gimnastikachi ishtirok etgan mazkur musobaqada ishtirokchilar arg'amchi, halqa, to'p, bulava va tasma bilan mashq bajarishda o'z mahoratlarini namoyish etishdi. Ularning musiqaga mos ritmda nafis va yengil harakatlar ijrosi esa muxlislarga o'zgacha zavq bag'ishladi.

Musobaqada hamyurtimiz Anastasiya Serdyukova bulavada mashq bajarish bo'yicha bronza medalini qo'lga kiritdi. «Happy Caravan» xalqaro turnirining final bosqichida ishtirok etgan Sabina Toshkenboyeva ko'pkurash va alohida gimnastika predmetlarida mashq bajarish bo'yicha jami 4 ta bronza medal bilan taqdirlandi. Halqa yordamida mashq bajargan Nuriniso Usmonova esa uchinchi o'rinni egalladi.

Mahmudjon AZIMOV

Buxoro viloyatining Shofirkon tumanidagi 12-bolalar va o'smirlar sport maktabi nafaqat viloyatda, balki respublikamizda ham o'z nufuziga ega ta'lim maskanlaridan biridir.

YANGI ZAFARLAR SARI

Bu yerda tarbiyalanuvchilar bilan sportning deyarli barcha turi bo'yicha mashg'ulotlar olib boriladi. Joriy o'quv yilida 130 nafar o'quvchilarga 1-yoshlar,

Yaqinda Toshkent viloyatining Piskent tumanida bo'lib o'tgan 2003–2004-yillarda tug'ilgan o'smirlar o'rtasidagi «Kombat aykido» bo'yicha Respublika birinchiligida sport maktabi murabbiyi Vali Husenov shogirdlari Dilshod Qurbonov va Sherzod Ilyosov bilan ishtirok etdi. Musobaqaning birinchi kunida Sherzod 25 kg. vaznda qashqadaryolik kurashchidan ustun keldi. Dilshod esa 35 kg. vazn toifasida Jizzax viloyati vakilini mag'lub etdi. Murabbiylar o'rtasidagi bellashuvda esa Vali Husenovning poytaxtlik raqibi ustidan qo'li baland keldi. To'rt kunlik musobaqaning final bosqichida Sherzod va Dilshod toshkentlik kurashchilarni dog'da qoldirishdi. Vali aka ham 70 kg. vaznda shogirdlariga o'rnak ko'rsatib, samarqandlik murabbiyni mag'lub etdi. O'zbekiston chempioni bo'lgan buxorolik kurashchilar Qozog'istonda bo'lib o'tadigan xalqaro chempionatda qatnashish huquqini qo'lga kiritdi.

Ulug'bek SAIDOV



150 nafariga 2-yoshlar hamda 196 nafariga 3-yoshlar sport darajasi unvonining berilishi maktab sportchilarining qo'lga kiritgan yuqori natijalaridan dalolatdir.

BEG'UBOR DAMLAR ZAVQI



Abdulboriy va Abdullatif:
– Suratları ko'p kitob baribir yaxshi-da!



Poylaringda gullaydi bahor,
Kulgulari shirin bolajon!

«Gulzor»



Aziza QARSHIBOYEVA,
poytaxtimizning 307-umumta'lim maktabi o'quvchisi

ORZULAR MASKANI

Poytaxtimizning Yunusobod tumanidagi 133-MTMda 319 nafar bolajonlar 14 ta guruhda tarbiyalanishmoqda.

«Orzular maskani» deb ataluvchi mazkur ta'lim muassasasida Dilfuza Malikova, Ra'no Inog'omxo'jayeva, Saodat Abdujabborova singari ta'lim fidoyilari murg'ak qalb egalarning olamni anglashi, ijtimoiy hayotning boshlang'ich muhitiga tayyorlanishida bor pedagogik mahoratini qo'llamoqda.

Maskanda sog'lomlashtirish mashg'ulotlari muntazam olib boriladi. Futbol, shashka, milliy kurash to'garaklari bilan bir qatorda haftada ikki marta gimnastika



mashg'ulotlari olib

boriladi. Diyora Abduqodirova, Uldan Boypo'latova, Nargiza Raimova hamda Mavjuda Toshmuhammedova murabbiyligida tarbiyalanuvchilar «Sog'lomjon – polvonjon» tuman musobaqalarida faol ishtirok etib kelishadi. Bundan tashqari, musiqa rahbari Muxtabar Karimova boshchiligidagi yosh iste'dodlar «Atlas», «Binafsha», «Humo» festival-larida faxriy o'rinlarni egallashdi.


NURBEK



Bayram arafasida poytaxtimizning Sergeli tumanidagi 305-MTM bolajonlarning quvonch-u shodliklariga to'ldi.



BO'SH O'TIRMAI, BOSH QOTIR!



Quyida ta'riflari bayon etilib, chizmadagi «Bola» so'zi bilan boshlanuvchi nomlarning to'liq atamasini eniga yozish bilan topqirilingizni sinab ko'ring.

1. Oybek qissasi.
2. O'zbekiston xalq baxshisi.
3. Telekanallardan biri.
4. Hamid Olimjon dostonidan: «Bola... yillarimda, uyqusiz tunlarimda»...
5. Xonanda Tohir Sodiqov guruhi.
6. Xudoyberdi To'xtaboyev romani nomidan: «Besh bola... yigitcha».
7. Agata Kristi asaridan: «O'nta negr bola...».
8. Asalarining yana bir nomi: bola...

Husan ORIPOV tuzdi

TOPISHMOQLAR



Gugurt qutidek kelar,
Uzoqni yaqin qilar.
Raqamni terganing chog',
Hatto bo'lar o'yinchoq.



Mazali, qordek oppoq,
Uning nomi ...

Ninasi ko'p, tikolmaysan,
Koptok qilib tepolmaysan.



Manzura
UBAYDULLAYEVA
tayyorladi

1-iyun 2015

Bosh muharrir
Feruza ADILOVA

TAHRIR HAY'ATI:
Omonulla YUNUSOV,
Abdug'ani XOLBEKOV,
Bahodir G'ANIYEV,
Svetlana INOMOVA,
Murtazo SULTONOV,
Zoir ISAJONOV,
Vahobjon RAJAPOV,
Zikrilla TESHABOYEV,
Feruza JALILOVA,
Feruza MATYOQUBOV
(mas'ul kotib)

Navbatchi
muharrir
Nodira
NAZAROVA
Rassom
Feruzbek
KAMOL o'g'li

Manzillimiz:
Toshkent shahri,
Navoiy ko'chasi, 30-uy.
Indeks: 100129.
Obuna indeksi: 198.
e-mail:
info@tongyulduzi.uz
www.tongyulduzi.uz
Tel/faks: 244-63-08
Tel/faks:
(99871) 244-38-10

«O'zbekiston»
NMIUda chop etildi.
Tahririyatga kelgan barcha
qo'lyozmalar tahrir qilinadi,
mualliflarga qaytarilmaydi.
Haftaning dushanba kuni
chiqadi.
Shakli A-3, 2 bosma taboq.
ISSN 2010-6092
Adadi – 46015
Buyurtma – S 3044

Muassislar:

O'zbekiston Matbuot va axborot agentligi,
O'zbekiston Respublikasi Xalq ta'limi vazirligi,
«KAMOLOT» yoshlar ijtimoiy harakati
Markaziy Kengashi,
«SOG'LOM AVLOD UCHUN» hukumatga
qarashli bo'lmagan xalqaro xayriya fondi.

Gazeta O'zbekiston Matbuot
va axborot agentligida
0208-raqam bilan 2007-yil
2-fevralda ro'yxatdan o'tgan.